

**Cyfarfod Cyngor Cymuned Llanelltyd, Taicynhaeaf a Bontddu a gynhaliwyd yn
Neuadd Bentref Llanelltyd
Nos Fawrth, Mehefin 12, 2018 am 7.30 o'r gloch.**

Presennol: Cyngorwyr: Simon Evans (Is gadeirydd), John Hughes, Gareth Ellis, Llinos Williams, Elfed ap Gomer, Gethin Williams, Carwyn Evans. Hefyd Peredur Jenkins, Henry M. Edwards.

1. Ymddiheuriadau: Geraint Rowlands, Paul Williams.

Yn absenoldeb Geraint Rowlands (Cadeirydd) cadeirwyd y cyfarfod gan Simon Evans.

2. Datgan diddordeb:

Nid oedd neb yn datgan diddordeb.

3. Cadarnhau cofnodion cyfarfod Mai 8, 2018

Cynigwyd ac eilwyd fod y cofnodion yn gywir.

4. Materion yn codi o'r cofnodion Mai 8, 2018

Eitem 5. Eitem 4. Eitem 8.1. Llythyr (15/5/2018) oddi wrth Elfed ap Gomer yn rhoi gwybod nid yw'n hawlio'r £150.00 sydd ar gael iddo fel Cyngorydd Cymuned am y flwyddyn ariannol bresennol.

Derbyniwyd llythyr oddi wrth Simon Evans, John Hughes, Gareth Ellis, Llinos Williams, Gethin Williams a Carwyn Evans yn rhoi gwybod nid ydynt yn hawlio'r £150.00 sydd ar gael iddynt fel cyngorwyr gymuned am y flwyddyn ariannol bresennol.

5. Materion Ariannol

a. Bil (16//05/17) am £326.00 oddi wrth Cyngor Gwynedd at gasglu gwastraff masnachol o Fynwent Llanelltyd o 1/4/2017 i 31/3/2018. Llynedd y gost oedd £307.00.

Penderfynwyd talu'r bil.

b. Bil (14/5/5018) am £75.00 oddi wrth Mr Edward Harries am adnewyddu y ddau hysbysfwrdd yn Llanelltyd. Cytunwyd y pris yn Cofnodion Ionawr 9, 2018, Eitem4, Eitem 8.ch.

Penderfynwyd talu'r bil.

CYNGOR CYMUNED LLANELLYD, TAICYNHAEAF A BONTDDU
COFNODION MEHEFIN 12, 2018

c. Galwad ffôn (1/5/2018) oddi wrth Archwilydd Mewnol angen dogfennau'r Cyngor ar 6/5/2018.

ch. Wedi gwneud ymoliadau (11/6/2018) ag Archwilydd Mewnol cafwyd gwybod nid oedd archwiliad y dogfennau wedi ei gwblhau. Roedd hyn yn golygu nid oedd y dogfennau ar gael cyn 12/6/2018 y dyddiad mae BDO eu hangen. Rhoddwyd gwybod hyn i BDO (11/6/2018).

ch. Balans yn y banc ar 29 Mai 2018: £9,636.56.

6. Mynwent Llanelltyd

Nid oedd adroddiad.

7. Awdurdod Parc Cenedlaethol Eryri

a. Llythyr ateb (11/5/2018), ateb i Eitem 4. Eitem 10.d. yn Cofnodion Rhagfyr 12, 2017 ynglŷn â lleoli sied ar dir ger Hafod Fach, Llanelltyd. Maent yn rhoi gwybod cafwyd cyfarfod gyda'r perchennog y tir a dywedodd bod y sied fach yn cael ei defnyddio ar gyfer storio offer ac nid yw'n cael ei ddefnyddio'n aml oherwydd ei chyflwr gwael. Oherwydd maint y sied nid yw'n ddelfrydol i weithredu'n ffurfiol. Mae'r perchennog mewn cysylltiad â Swyddog Coedwigaeth yr Awdurdod i blannu coed ar y tir ac am godi sied newydd yn lle'r un bresennol ac mae'n ymwybodol bydd angen caniatâd cynllunio am y sied.

8. Gohebiaeth

a. Llythyr (15/5/2018) oddi wrth Un Llais Cymru yn rhoi gwybod cynhelir Pwyllgor Ardal Meirionnydd yn Neuadd Gymunedol Llanbedr ar ddydd Mercher, Mai 23 am 7.00yh. Bydd Dilwyn Owen Williams a Dyfrig Siencyn o Gyngor Gwynedd yn bresennol i drafod materion yn ymwneud a chydweithio rhwng Cyngorau Cymuned a Thref a Chyngor Gwynedd, ac yn benodol am drosglwyddo asedau a gwasanaethau.

Amgáu mae Agenda y Cyfarfod Blynyddol, Cofnodion Cyfarfod Pwyllgor Ardal Meirionnydd cynhaliwyd yn Chwefror 2018, Cofnodion Cyfarfod Pwyllgor Gwaith Cenedlaethol a gynhaliwyd ar Faes y Sioe Frenhinol, Llanfair ym Muallt ym mis Mawrth 2018, a rhestr o gyrsiau bydd ar gael.

O'r cyfarfod adroddodd Elfed ap Gomer mi roddwyd sylw i Gyngor Gwynedd rhoi gwybod i gynghorau cymuned a thref am daliadau bydd angen ei wneud cyn bydd praecept yn cael ei baratoi. Hefyd, bydd angen i gynghorau cymuned a thref rhoi sylw i GDPR.

b. Llythyr (23/5/2018) oddi wrth Gwasanaeth Cynnal Priffyrdd a Bwrdeistrefol, Cyngor Gwynedd yn rhoi gwybod bydd gwaith torri gwair yn cael ei wneud yn Llanelltyd ar 14/5/2018 a 24/7/2018. Bydd y gwaith yn cychwyn ar y Cefnffyrdd yna ymlaen i'r Ffyrdd Sirol.

CYNGOR CYMUNED LLANELLYD, TAICYNHAEAF A BONTDDU
COFNODION MEHEFIN 12, 2018

c. Anfonwyd cerdyn (30.5/2018) i Mr a Mrs Geraint Rowlands yn eu llongyfarch ar enedigaeth merch.

ch. Llythyr hir (29/4/2018) oddi wrth Mrs Clare Harries, Wrexham yn cwyno am gyflwr gwael Toiledau Bontddu ac yn dweud nid ydynt i safon dderbyniol.

Penderfynwyd:

- a. ateb y llythyr.
- b. i Carwyn Evans ymchwilio'r Toiledau.
- c. gosod 'dispenser' yn dal sebon yn y Toiledau.

d. Llythyr (7/6/2018) oddi wrth Un Llais Cymru gyda chopi o Reolau Sefydlog newydd 2018.

Penderfynwyd rhoi copi o'r Rheolau Sefydlog i Elfed ap Gomer.

dd. Llythyr (8/6/2018) oddi wrth Uned Gyfreithiol, Cyngor Gwynedd yn rhoi gwybod bydd Cyfyngiadau Dros Dro ar ffyrdd A470 / A496 at Ras Feicio "Women's Tour of Britain 2018". Bydd yn cael ei gynnal dydd Sul, Mehefin 17 2018, cychwyn am 6.00yb yn Nolgellau a gorffen ym Mae Colwyn..

9. Adroddiad Cyng. Peredur Jenkins

- a. Mae Cyngor Gwynedd yn wynebu cyfnod anodd gyda thoriadau yn eu cyllideb.
- b. Mae am wneud ymoliadau gydag Uwch Peiriannydd Traffig, Cyngor Gwynedd beth yw'r diweddaraf i gael llinellau melyn wrth Bont Wnain.

10. Materion Brys

Nid oedd materion brys.
